

鹽澤以東。(一)時樓蘭居鹽澤以西，國小兵弱，爲匈奴役屬，此必然之勢也。故在西漢初年卽自漢文帝四年至武帝元封三年(公元前一七六一一〇八年)，樓蘭爲匈奴屬國時期。

西漢之初，匈奴奄有中國之西北邊外，又置左右賢王，以左王將居東方直上谷，右王將居西方直上郡，又與氏羌相通往，故漢時西北兩面均被迫於匈奴，與氏羌累爲邊境之患。自漢武帝元狩二年，遣驃騎將軍霍去病擊破匈奴右地，降渾邪休屠王，定其地，以置酒泉、武威、張掖、敦煌四郡，匈奴益西北徙，羌胡交通，自是斷絕。初張騫奉使西域還，言聯絡烏孫大宛之利；武帝從其言，甘心欲通大宛諸國，使者相望於道，一歲中多至十餘輩。然漢由白龍堆過樓蘭，至烏孫大宛，必須經過極長之險道。時匈奴雖已西北徙，然與西域諸國相接，車師服事匈奴，共爲寇鈔。又匈奴西邊日逐王置僮僕都尉，使領西域，嘗居焉耆、危須、尉犁間。漢使至西域，必經過樓蘭、尉犁，沿塔里木河西行，過龜茲以至烏孫，西通大宛。時樓蘭與姑師均臨鹽澤，當漢道之衝，樓蘭最在東垂近漢，當白龍堆。嘗主發導，迎送漢使。樓蘭當道苦之，數爲匈奴耳目，攻劫漢使王恢等。故武帝欲達到西域之目的，則非取得樓蘭地爲根據不可。元封三年，武帝遣從驃侯趙破奴將屬國騎及郡兵數萬人出姑師，王恢將輕騎七百人先至，虜樓蘭王，遂破姑師，樓蘭降服，納質子於漢，漢亦列亭障至玉門矣。太初三年，貳師將軍西行，得以渡過鹽澤，平行至大宛，皆由已取得樓蘭，無後顧之憂故也。但樓蘭雖一時震於漢之兵威，始役屬於漢，但同時又被迫於匈奴，時離時合。例如樓蘭嘗遣一子質漢，一子質匈奴；又嘗爲匈奴反間以苦漢使，可爲證也。武帝既崩，昭帝秉承父志，因樓蘭王不恭於漢，立遣傅介子刺殺之，懸首北闕下，更立尉屠耆爲王，遷都伊循城，置伊循都尉以鎮撫之，更名其國爲鄯善，是爲鄯善得名之始。漢書立鄯善傳而無樓蘭傳，蓋從其後稱也。伊循在羅布淖爾之南，當南道之衝；樓蘭在今羅布淖爾之北，當北道之衝。(詳下章。)樓蘭既已南遷伊循，則樓蘭故地，漢得因之以爲軍事運輸之重地。例如宣元之際，設都護，置軍候，開井渠、屯田積穀，由鹽澤以至渠犂，亭燧相望，皆爲布置軍事及運輸之重要表見。由是言之，自昭宣以後，樓蘭故地遂爲漢有矣。